



CUBRIK – Strengthening Quality Assurance System within Western Balkans HEIs in Support of National and Regional Planning

CUBRIK – Jačanje sistema osiguranja kvaliteta na visokoškolskim ustanovama zapadnog Balkana uz podršku nacionalnog i regionalnog planiranja

Nacionalni okrugli stolovi s ministarstvima, agencijama za osiguranje kvaliteta i univerzitetima za prilagođavanje i pregled postojećih nacionalnih pravnih okvira

Cilj: pregledati postojeće prakse i državni zakon u skladu s najnovijim i koherentnim informacijama usmjerenim ka europskim kretanjima

Zaključci

- Akteri u području osiguranja kvaliteta, s naglaskom na visokoškolske ustanove, Agencija za osiguranje kvaliteta i ministarstva, su u protekle tri godine preduzele značajne korake u razvoju sistema osiguranja kvaliteta za visoko obrazovanje u BiH.
- Sa standardima i smjernicama za osiguranje kvaliteta, kriterijima za akreditaciju visokoškolskih ustanova, kao i smjernicama za tumačenje postojećih kriterija, izvršena je glavina pripremnih aktivnosti i visokoškolske ustanove su sada u fazi pripremanja za samo-evaluaciju.
- Standardi i smjernice za osiguranje kvaliteta i Kriteriji za akreditaciju visokoškolskih ustanova predstavljaju dobar pristup, kako u potpori unapređivanju kvaliteta na visokoškolskim ustanovama, tako i u pokazivanju odgovornosti prema javnosti.
- Da bismo postigli opće razumijevanje svrhe, načela i postupaka u osiguranju kvaliteta, od velike je važnosti dalja saradnja između visokoškolskih ustanova, Agencije za osiguranje kvaliteta i ministarstava obrazovanja, koja se pokazala uspješnom u sklopu Cubrik Projekta.
- Standardi i kriteriji za osiguranje kvaliteta su u osnovi usklađeni sa Standardima i smjernicama za osiguranje kvaliteta u Europskom području visokog obrazovanja (ESG). Sudjelovanje studenata i predstavnika tržišta rada u stručnim komisijama se može izdvojiti kao europska dobra praksa.
- Agencija kroz svoje razvojne strategije i aktivnosti naglašava važnost obuke stručnjaka. Za razvoj jednog kvalitetnog sistema osiguranja kvaliteta ključnu ulogu imaju dobro obučeni i kompetentni stručnjaci.
- Imenovanje stručnjaka od strane ministra je, međutim, u suprotnosti sa ESG-om te je potrebna dalja rasprava o ovom pitanju da bi nezavisnost agencije za osiguranje kvaliteta bila zagarantovana te na taj način u potpunosti priznata u Europi.
- Radi postizanja transparentnosti u sistemu visokog obrazovanja u BiH, važno je da ministri donose odluku o akreditaciji na što dosljedniji način, uvažavajući preporuke Agencije za osiguranje kvaliteta.

Prevod: Agencija za razvoj visokog obrazovanja i osiguranje kvaliteta